

BASES

XI Certame de Fotografía Comercial Parque Empresarial de O Milladoiro

O concurso de fotografía é unha actuación promovida pola Asociación de Empresarios, que pretende mediante a imaxe e a súa reflexión, fomentar a participación da cidadanía na actividade do parque Empresarial do Milladoiro.

O colectivo de empresas da zona comprométese con este certame que descubre novas vocacións, conferindo prestixio á zona, ao mesmo tempo que axuda a consolidar aos grandes aficionados.

1.- OBXETIVO

Realización de imaxes de calidade, creando unha estética das construcións eminentemente funcionais, ubicadas no Parque Empresarial do Milladoiro.

Realizada con **calquera tipo de técnica e estilo**, primando o enfoque comercial da fotografía.

Todas as fotografías deberán ser orixinais e inéditas, actuais e estar localizadas no parque empresarial do Milladoiro.

2.- PARTICIPANTES

Poden participar neste certame todas as persoas residentes en España, con independencia do seu lugar de orixe e sen límite de idade, coa excepción dos membros do xurado e equipo da organización.

Cada participante poderá presentar unha fotografía como máximo, realizada con calquera técnica fotográfica, ben sexa en color ou en branco e negro, sempre que se detecte a simple vista a relación con este parque empresarial.

A inscrición é gratuita.

Os participantes aceptan as bases do concurso ao presentar as súas obras.

3.- TEMA

Temática: Comercial-empresarial

Parque empresarial do Milladoiro: Visión da empresa actual

Lugar: Polígono do Milladoiro, na zona de naves comerciais e LOFTS.

As fotografías poden ser das **instalacións, incluídas as fachadas das naves, do equipo humano, dos produtos, dos eventos ou de calquera actividade** que as empresas realicen na súa ubicación. Co permiso da empresa tamén poderán ser fotografiados os espazos interiores das naves ou LOFTs, xerando así, correspondencia entre o fotógrafo e os espazos de traballo.

Poden ser realizadas con **calquera tipo de técnica e estilo**, primando o enfoque comercial da fotografía, tentando crear unha estética **do Parque Empresarial do Milladoiro** ou das **actividades económicas** que aquí se desenvolven. Estarán inscritas no campo do fotodocumentalismo ou reportaxe en xeral.

Deberán realizarse **dentro do término xeográfico do Parque Empresarial de Milladoiro**, valorándose especialmente as obras que reflexen os elementos máis representativos e identificables das empresas, conseguindo unha óptica dinámica da actividade que se representa na zona, captando especialmente a participación humana. A tendencia nesta edición é empregar a labor artística dos participantes para transmitir unha visión positiva da empresa e compartila coa sociedade.

4.- PRESENTACIÓN DAS OBRAS

Permitirase unha fotografía por persona, que deberá ser enviada xunto co título da obra, e os seus datos persoais á dirección de correo electrónico: foto@aenovomilladoiro.com. O nome do arquivo a enviar, será o título da obra.

En asunto deben poñer: Certame fotográfico: “Título da fotografía”. Para unha maior uniformidade, o título debe ir en galego.

É imprescindible que as fotografías enviadas vaian identificadas cos datos do autor: Nome, apelidos, nº de NIF / NIE, dirección, mail, teléfono de contacto (preferiblemente móbil).

A Asociación de Empresarios non gardará nin utilizará os datos persoais de ningún dos participantes, salvo os necesarios para identificar cada fotografía.

Plazo de entrega

- Inicio: 27 de outubro do 2025.
- Finalización: 1 de decembro de 2025, ás 23:59

Exposición

Dado a relevancia que presenta o concurso e que abarca un ámbito comarcal, as obras serán expostas en varias salas:

- Casa de Cultura de O Milladoiro: do 18 de decembro de 2025 ate o 31 de xaneiro de 2025.
- Sede da AEPEM a partir do 7 de febreiro 2026.
- Redes sociais da asociación.

Pola limitación da sala, no caso en que o número de obras presentadas fora superior a 80, o xurado elixirá as que se expoñerán físicamente.

Todos os premios estarán sometidos á retención correspondente.

5.- LIMITACIÓNS TÉCNICAS

A imaxe orixinal será obtida por captación directa da luz.

As fotografías deberán ser actuais, orixinais e inéditas. Non poden ser publicadas en ningún medio ata o remate do prazo de entrega.

Poderán ser alteradas dixitalmente, sempre e cando se detecte a simple vista a conexión clara co parque empresarial.

Todos os arquivos serán en formato JPEG ou JPG e deberán estar en alta resolución.

En caso de que a Asociación o solicite, deberá acreditarse por escrito a propiedade intelectual das imaxes presentadas.

Non se aceptarán imaxes que non reúnan un mínimo de calidade ou con contidos contrarios á legalidade vixente.

As fotografías serán realizadas acorde ao dereito á propia imaxe, complementario ó dereito á intimidade. Este dereito garantiza a protección do que se consideran as **cualidades definitorias** dunha persoa.

As fotografías nas que aparezan persoas reconocibles deberán ir acompañadas dunha carta firmada por ditas persoas autorizando o uso da súa imaxe.

A Asociación de empresarios resérvase o dereito de veto por se alguna imaxe fose contraria á legalidade ou se mostrasen a persoas en accións pouco dignificantes.

6.- PRAZO DE PRESENTACIÓN FOTOGRAFÍAS A CONCURSO

O prazo para a presentación das obras comenzará o **10 de outubro** e rematará o **9 de novembro do 2025**.

7.- PREMIOS

Premios para categoría absoluta :

1º Premio: 500 € (premio)

2º Premio: 400 € (premio)

3º Premio: 300 € (premio)

A todos os premios se lles practicará as retencións de impostos que procedan.

8.- XURADO

O xurado estará presidido polo presidente da Asociación. e formarán parte do mesmo dúas persoas de recoñecido prestixio dentro do ámbito da fotografía e o arte, e dous representantes do Concello. Actuará como secretaria do xurado a técnico da Asociación, sen voto.

O xurado terá como finalidade a valoración e selección das obras presentadas, completando co seu criterio as omisións ou dúbidas que pudesan plantexar a interpretación destas bases. O seu fallo será inapelable.

O fallo do certame farase público o día da celebración da gala de entrega de premios, que haberá que recoller persoalmente, ou, no seu caso, mediante delegación transmitida por escrito.

9.- CRITERIOS DE VALORACIÓN DAS OBRAS

O xurado valorará a idea expresada pola obra respecto aos obxetivos do concurso, así como a expresión artística da mesma e a súa calidade fotográfica: encadre, enfoque, luminosidade, creatividade, etc.

Puntuaranse conceptos como a seguridade industrial ou as boas prácticas no comercio e no consumo.

10.- LICENCIA

As fotografías presentadas poderán ser utilizadas no presente concurso pola entidade organizadora. Os **premiados** outorgan á AEPEM unha licencia suficiente sobre os dereitos de reprodución, publicación, distribución, comunicación pública e posta a disposición da súa obra.

O concursante manifesta e garante ser o único titular de todos os dereitos de autor da fotografía que presenta ao concurso e se responsabiliza totalmente de toda a reclamación fronte a terceiros derivada do incumplimento da citada garantía.

11.- GALA DE ENTREGA DE PREMIOS

A gala de entrega de premios terá lugar no salón de actos da Casa de Cultura do Milladoiro, **xoves, 18 de decembro 2025** ás 20:30 horas. Na mesma, daranse a coñecer os gañadores.

Durante o seu desenvolvemento, proxectaranse as fotografías presentadas e comentando o seu título, pola persoa que presente a gala.

Dado o aforo do salón, os participantes poden asistir acompañados.